

2021053768

LIGJ PËR NDRYSHIMIN E LIGJIT TË MUNDËSIVE TË BARABARTA TË FEMRAVE DHE TË MESHKUJVE

Neni 1

Në Ligjin e Mundësive të Barabarta të Femrave dhe të Meshkujve ("Gazeta Zyrtare e Republikës së Maqedonisë" numër 6/12, 166/14 dhe 150/15), në nenin 37 paragrafi 3, ndryshohet dhe bëhet:

“Për kundërvajtje të përcaktuara me këtë ligj procedurë kundërvajtëse udhëheq dhe sanksion kundërvajtës shqipton gjykata kompetente.”.

Paragrafët 4, 5, 6, 7, 8, 9, 10, 11 dhe 12 fshihen.

Neni 2

Neni 38 ndryshohet dhe bëhet:

"(1) Gjobë në shumë prej 400 deri 2.000 euro në kundërvlerë denari do t'i shqiptohet për kundërvajtje personit juridik për të cilin organi kompetent ka konstatuar se ka vepruar në kundërshtim me nenin 3, nenin 8 paragrafi 3 dhe 4, nenin 11 paragrafi 5 dhe 8, nenin 14 paragrafi 5 dhe 7, nenin 15, nenin 17 paragrafi 4, nenin 18, nenin 27 dhe nenin 29 paragrafi 4 të këtij ligji, në mënyrën siç vijon: “prej 400 deri 1.000 euro në kundërvlerë denari për mikro tregtarë, prej 600 deri 2.000 euro në kundërvlerë denari për tregtarët e vegjël.

(2) Gjobë në shumë prej 800 deri 10.000 euro në kundërvlerë denari do t'i shqiptohet për kundërvajtje personit juridik për të cilin organi kompetent ka konstatuar se ka vepruar në kundërshtim me nenin 3, nenin 8 paragrafi 3 dhe 4, nenin 11 paragrafi 5 dhe 8, nenin 14 paragrafi 5 dhe 7, nenin 15, nenin 17 paragrafi 4, nenin 18, nenin 27 dhe nenin 29 paragrafi 4 të këtij ligji, në mënyrën siç vijon: “prej 800 deri 6.000 euro në kundërvlerë denari për tregtarë të mesëm dhe prej 1.000 deri 10.000 euro në kundërvlerë denari për tregtarët e mëdhenj.

(3) Gjobë në shumë prej 400 deri 2.000 euro në kundërvlerë denari do t' shqiptohet për kundërvajtje personit tjetër juridik, ndryshe nga paragrafi 1 dhe 2 të këtij neni për të cilin organi kompetent ka konstatuar se ka vepruar në kundërshtim me nenin 3, nenin 8 paragrafi 3 dhe 4, nenin 11 paragrafi 5 dhe 8, nenin 14 paragrafi 5 dhe 7, nenin 15, nenin 17 paragrafi 4, nenin 18, nenin 27 dhe nenin 29 paragrafi 4 të këtij ligji.

(4) Gjobë në shumë prej 100 deri 500 euro në kundërvlerë denari do t'i shqiptohet për kundërvajtje sipas paragrafit 3 të këtij neni funksionarit të organit shtetëror, kryetarit të njësisë së vetëqeverisjes lokale ose nëpunësi zyrtar të cilit i është ngarkuar ushtrimi i autorizimit publik.

(5) Gjobë në shumë prej 50 deri 250 euro në kundërvlerë denari do t'i shqiptohet për kundërvajtje nga paragrafi (3) të këtij neni personit fizik.”.

Neni 3

Nenet 39, 40, 41, 42, 43 dhe 44 fshihen.

Neni 4

Në të gjithë tekstin e ligjit, fjalët: "Republika e Maqedonisë" zëvendësohen me fjalët: "Republika e Maqedonisë së Veriut".

Neni 5

Autorizohet Komisioni Juridik Ligjvënës i Kuvendit të Republikës së Maqedonisë së Veriut të përcaktojë tekst të zbardhur të Ligjit të Mundësive të Barabarta të Femrave dhe të Meshkujve.

Neni 6

Ky ligj hyn në fuqi ditën e botimit në "Gazetën Zyrtare të Republikës së Maqedonisë së Veriut".